

INUIT ATAQATIGIIT

INATSISARTUNI



UKA16/108

Aqqaluaq B. Egede

Innuttaasut ilinniagaqarnermik allagartaqanngitsut inuttut piginnaasaqarfigivilersimasaat nammineerlutillu piginnaanerilersimasaat pisortatigoortumik nalunaarsorneqarnissaat, ataqatigiisillugit aaqqissuuneqarnissaat, suliffeqarfeqarnermilu suliallit illuatungeriit atuinerulernissaat anguniarlugu, Naalackersuisut sulisoqarnermut tunngasuni attuumassusilinnik suleqatiserinninnissaannik oqaloqatiserinninnissaannillu peqquneqarnissannik, anguniagaasalu inerneru kingusinnerpaamik UPA18-mi nassuiaammi saqqummiunneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Sara Olsvig, Inuit Ataqatigiit)

Aallaqqaasiullu erseqqissartariaqarsoraara, suliffissaaleqineq sulisussameernerlu ullumikkut politikikkut ingerlatiinnarneqarsinnaanngimmata. Allannuisariaqarpugut inuit nunatsinni piginnaanilippassuit atunngisavut amerlaqimmata. Inuit atorluassagutsigit nutaamik aaqqissuussilluta inuppasuit piginnaaneri saqqummersittariaqarpagut. Ingerlatsinermut, sulinermut ineriartortitseqataanermillu akisussaaqataatilerlugit.

Inuit Ataqatigiit isumaqarpugut Sara Olsvig siunnersuuteqarnermigut alloriarfigisariaqagarput pingaarutilik inuppasuarnullu periarfissiisusaaq qaqqikkaa. Ullumikkut aalajangernissatsinnut tunngavissat misissugassartaqartut arlaqartut oqaatigineqarsinnaagaluartut, aamma illuatungaani misissuinerpassuit kinguneqartinneq ajukkavut amerlavallaaqaat. Aalajangersaanerit tunngavissaqarluareersut suleriaasitta eqaatsuliorsinnaanerput pinngitsoortittaraa inuiaqatigiinnut uatsinnut akisoqaaq.

Sulisitsisut kattuffii, sulisartut inuussutissarsiuteqartullu kattuffii aamma nunatta akileraartarnikkut atugarissaarnikkullu siunertai ataatsimut siunnerfeqaqatigiinnerat amigaqaaq. Taamatut ingerlaneq allanngortariaqarpoq. Sulisartorpassuit aamma suliffissaaleqisorpassuit ukiut qassit oqallisigigatsigit naammattumik peqataatissimanngilagut. Allatut oqaatigalugu inuit pineqartut qanimut ilisimasaat, atugaat nalaattarsimasaat, aamma peqataaqqilernissaminnut aporfigisarsimasaat ataatsimut eqikkagaanngillat. Paasissutissaatiginngilagut. Taamaammat aamma aaqqiivinnissatsinnut toraagaqarnata naalackersuinikkut ingerlatsisimanersugut apeqquseqqajaanartoqarmat tamatta isumaqatigiissutigisinnaagunarpaput.

Innuttaasut pappilissatigut ilinniagaqanngitsut sulinerikkut sammisanut aalajangersimasunut piginnaaneqarnerpaajusinnaapput. Piginnaaneq inunni ataasiakkaani, inuiaqatigiillu akornatsinni nukik pigisarput atorluannilarput, allaat pisortatigoortumik ilisimasanngilarput inuiaqatigiittut inuussutissarsiornikkut nukippat piginnaanerpullu suliassanut sorlernut sammisuunersoq. Ilisimasat annertusassagutsigit kattuffiit tamaasa suleqatigalugit inuit

INUIT ATAQATIGIIT

INATSISARTUNI



piginnaaneqarfigisaat nassaariniartariaqarpagut, aamma nalunaarsortariaqarpagut atorfissaminnut atorneqarsinnaaleqqullugit.

Aningaasarsiornikkut siuarsaanissaq aamma aningaasarsiornikkut aqqissuuseqqinnissatsinnik pisussaaffiliivoq. Pisariaqarpoq inuit isumaginninnikkut attuumassuteqarlutik inuusaaseqartut takutissallugit sulineq aningaasarsiornikkut pissarsiassartaqarnerullunilu akilersinnaanerusoq. Tamanna iluatsissappat isumaginninnikkut atugassarititaasut nutaamik nalilersuiffiqineqarnissaat avaqqunneqarsinnaanngitsoq Inuit Ataqatigiit isumaqarpugut.

Partiit tamatta suleqatigiiffissarput pingaarutilik tassaniissorinarpoq. Inuppassuit atugarissaarnerullutik inuuneqalernissaannut aqqissuussineq aallagartatigut politikikkullu isummernertigut kisimi pinnani, aamma sinaakkutissat atuuttut inuit alloriaqqinnissaannik innersuussisuunissaat pingaaruteqarnerpaatut isigisariaqarmat.

Naalakkersuisut akissuteqaataanni paasinarpoq siunnersuuteqartup siunertaa naammassineqareersimasutut oqaatigineqartoq. Taamaattorlu kattuffiit sulisartunut toqqaanarnerusumik piunasaqarsinnaasut, aamma nalunaarsuinermi suleqataalluarsinnaasut timitaleeqataatinneqarnissaat Inuit Ataqatigiinniit pingaaruteqarluinnassasoq isumaqarpugut. Taamaammat siunnersuut Inatsisartut Inuussutissarsiornermut Ataatsimiititaliaanni suliarineqassasoq kissaatigaarput.

Naggasiullugu kaammattuutigerusupparput Inatsisartuni partiit akuersaartut itigartitsiniartullu aalajangernissartik kinguartilaarlugu ataatsimiititaliami naalakkersuisut suliaannik qulakkeerinnilaappaarsinnaanersut apeqqutigissavarput. Siunnersuut una kisiat pinnagu, kisianni aamma siunertaq inuiannut uatsinnut pingaaruteqartoq naalakkersuisut ingerlateriigaat Inatsisartuni partiit misissuiffigissagaat. Tamatuma kingorna isummernissaq qaqugukkulluunnit pisinnaammat.

Siunnersuut taamatut Inuit Ataqatigiinniit oqaaseqarfigalugu partiit suleqatiseraagut.